

I Z V O D

IZ ZAPISNIKA SA VANREDNE SKUPŠTINE UDRUŽENJA

koja je održana dana 30.09.2017. godine sa početkom u 17,00 sati u Lovačkom domu Vidovići

Skupštini je prisustvovalo 34 od ukupno 35 delegata koji su imali pravo učešća u skladu sa Statutom Udruženja.

V.D. Predsjednika Skupštine Hajlovac Adis otvorio je vanrednu Skupštinu, pozdravio sve prisutne i predložio Poslovnik o radu Skupštine Udruženja prisutnim delegatima, koji su jednoglasno isti usvojili.

V.D. Predsjednik Skupštine Hajlovac Adis predložio je sljedeći :

D N E V N I R E D

1. REALIZACIJA ZAKLJUČAKA SA PRETHODNE SKUPŠTINE UDRUŽENJA KOJA JE ODRŽANA 21.05.2017. GODINE

Dnevni red je usvojen sa 25 glasova ZA, 5 PROTIV i 4 SUZDRŽAN.

Prije nego se prešlo na realizaciju dnevnog reda V.D. Predsjednik Skupštine predložio je radna tijela Skupštine :

- a) Radno predsjedništvo (Hajlovac Adis, Čurt Mirsad i Smajić Azem)
- b) Zapisničara i ovjerivača zapisnika (Šečo Arif i Hajlovac Adis)
- c) Verifikacionu komisiju (Kvakić Aid, Dediž Dževahid i Begić Zakir)
- d) Komisiju za zaključke (Radno predsjedništvo)

Prisutni delegati su prijedlog usvojili jednoglasno.

Verifikaciona komisija je podnijela izvještaj i utvrdila da je od pozvanih 35 delegata na zasjedanju prisutno 34 delegata.

Delegati sekcije Poriječani Buza Jusuf i Lepić Ahmed kao i delegat sekcije Moštre-1 Dedić Naser su tražili da im se pojasni zašto je sazvana današnja Skupština, sa kojim dnevnim redom i šta su materijali za današnju Skupštinu?

V.D. Predsjednika Skupštine Hajlovac Adis je objasnio da je Skupština sazvana po zaključku sa redovnog zasjedanja prvenstveno zbog usvajanja novog Statuta koji je u prijedlogu bio u redovnoj proceduri na svim zborovima sekcija i da se utvrdi realizacija zaključaka i odluka sa prethodnog zasjedanja. Uz pozive svim delegatima putem sekcija je dostavljen Statut koji će se danas razmatrati i usvajati.

Šečo Arif je pojasnio da je svim predsjednicima sekcija dostavio pozive za sve delegate i prijedlog Statuta 12 dana prije održavanja ove Skupštine.

Zatim se prešlo na realizaciju zaključaka sa prethodnog zasjedanja hronološkim redom kako slijedi:

- Izbor i imenovanje Predsjednika Skupštine

V.D. Predsjednik Skupštine Hajlovac Adis podsjetio je prisutne na odluku sa prethodne sjednice kada je Predsjednik Skupštine Limo Omer podnio pismenu ostavku i razriješen dužnosti, a do naredne Skupštine izabran V.D. Predsjednik Skupštine Hajlovac Adis, tako da na današnjem zasjedanju treba biti izabran Predsjednik Skupštine.

Na prijedlog V.D. Predsjednika Skupštine i Predsjednika Udruženja, Skupština je jednoglasno za Predsjednika Skupštine izabrala Dlakić Jasmina.

Nakon izbora, predsjedavanje Skupštinom je preuzeo novoizabrani Predsjednik Skupštine Dlakić Jasmin

- **Realizacija Zaključka o održavanju zborova sekcija Moštre-1 i Moštre-2**

Predsjednik Skupštine je pročitao Zaključak kojim su zadužene sekcije Moštre-1 i Moštre-2 da održe zborove lovaca i predlože svoje predstavnike u organe Udruženja u roku 15 dana. Izvjestilac po ovom zaključku je bio Predsjednik Udruženja Čurt Mirsad koji je informisao da je sekcija Moštre-2 postupila u cijelosti po navedenom zaključku, a sekcija Moštre-1 odbila da postupi te nakon ponovnog upozorenja Upravnog odbora održala zbor sekcije i postupila po zaključku sa znatnim zakašnjenjem.

Također je naglasio da današnjem zasjedanju između ostalih delegata prisustvuju i delegati iz sekcije Moštre-1 (njih ukupno 4 koliko ih pripada po Statutu).

Predsjednik novoformirane sekcije Moštre-1 je tražio da ova sekcija nosi naziv „Moštre“ na što mu je Predsjednik Skupštine odgovorio da su nazivi sekcija utvrđeni Statutom i da za promjenu odredaba Statuta, u ovom slučaju naziva sekcije, mora se pokrenuti redovna procedura izmjena i dopuna Statuta Udruženja. Obzirom da danas usvajamo novi Statut Udruženja, zaista ostaje nejasno, zašto niste u redovnoj proceduri kada ste imali mogućnost dali svoj prijedlog oko toga. U ovoj tački dnevnog reda Skupština je donijela odluku kojom se Kurgaš Refik razrješava dužnosti člana Upravnog odbora, a umjesto njega se ispred sekcije Moštre-1 bira i imenuje za člana Upravnog odbora Dedić Naser sa 33 glasa ZA i 1 glas PROTIV.

Skupština Udruženja je donijela odluku kojom se razrješava dužnosti član Nadzornog odbora Karalić Salko, a umjesto njega bira i imenuje Kečić Zahid sa 32 glasa ZA i 2 PROTIV.

Također Skupština Udruženja je donijela jednoglasnu odluku kojom se razrješava dužnosti član Disciplinskog suda Lepić Midhat, a umjesto njega bira i imenuje Kvakić Aid.

Obzirom da su od sekcije „Moštre“ formirane dvije nove sekcije, Moštre-1 i Moštre-2 i da se novoformirane sekcije nisu mogle usaglasiti i dogovoriti oko održavanja dijelova lovišta koje ima svaka sekcija u Udruženju te činjenicu da je Upravni odbor na svoje zadnje dvije sjednice imao tu temu i donio određene odluke sa kojima opet sekcije nisu bile zadovoljne Skupština Udruženja je donijela sljedeći zaključak : Nalaže se Upravnom odboru da prema već skupini utvrđenih revira (**I skupina:** Golo Brdo, Goruplje, Lisovo, Jezera-Vranovača i Mladoš-Brezovik i **II skupina:** B.Mahala, Slatina, Maćuh, Đindići i Lepene-Debela Međa), utvrdi brojno stanje lovaca sa adresom stanovanja (mjesto boravka) po sekcijama i pomenutim revirima te prema tome odredi o kojim revirima će se starati sekcija Moštre-1, a o kojim revirima sekcija Moštre-2. Sekcije su dužne, u okviru prava i obaveza koje imaju nad revirima koji su im dodijeljeni na staranje, da se brinu i vrše održavanje svih lovno-tehnički i lovno-uzgojnih objekata koji se nalaze u revirima o kojima se sekcija stara. Odluka Upravnog odbora je konačna i izvršna.

Zaključak je usvojen sa 24 glasa ZA, 5 PROTIV i 5 SUZDRŽAN.

- **Realizacija Zaključka o izradi novog Statuta Udruženja**

Predsjednik Skupštine Dlakić Jasmin je pročitao Zaključak sa prethodnog zasjedanja Skupštine kojim je naloženo u roku 60 dana izvrši sve pripreme za usvajanje novog Statuta Udruženja u skladu sa predviđenim procedurama i isti dostavi na razmatranje i usvajanje ovoj Skupštini. Izvjestilac po ovom zaključku je bio Predsjednik Upravnog odbora koji je informisao sve prisutne da se u cijelosti postupilo po navedenom zaključku i da je provedena cjelokupna statutarna procedura oko izrade novog Statuta. Također je naveo da prilikom izrade novog Statuta je utvrđen i prijedlog novog naziva Udruženja koje bi umjesto dosadašnjeg naziva Udruženje lovačko društvo „SRNDAĆ-VISOKO“ Visoko naše Udruženje nosilo naziv Udruženje lovačko društvo „SRNDAĆ 1920“ Visoko koje simbolizuje godinu osnivanja naše lovačke organizacije. Sva prava i obaveze Udruženja u formalno-pravnom smislu ostaju nepromijenjene.

Obzirom da je provedena cjelokupna procedura oko izrade novog Statuta i razmatranja na zborovima sekcija te da delegati imaju stavove svojih sekcija prešlo se na glasanje.

Novi naziv Udruženja i novi Statut su usvojeni sa 21 glas ZA, 8 PROTIV i 5 SUZDRŽAN.

- **Realizacija mjera i zaključaka koji su usvojeni u izvještajima Nadzornog i Upravnog odbora**

Predsjednik Skupštine je upoznao sve prisutne sa odlukama i zaključcima sa prethodnog zasjedanja Skupštine koji su usvojeni kroz usvajanje Izvještaja Nadzornog i Upravnog odbora.

Usvajanjem izvještaja Nadzornog odbora na prethodnoj redovnoj Skupštini Udruženja, ovaj organ je ujedno donio i odluku o pokretanju disciplinskog postupka protiv Kurgaš Refika i drugih zbog slučaja ne ispunjavanja uslova za prijem u naše Udruženja i ne ispunjavanje uslova za izvršenje

lova u skladu sa Zakonom o lovstvu FBiH. Također imenovani je suspendovan iz članstva i svih funkcija koje je obavljao do okončanja postupka.

Donešena je odluka o pokretanju disciplinskog postupka protiv Karalić Salke zbog samovoljnog postupanja u ime Nadzornog odbora čime je napravio disciplinski prestup. I protiv njega je izrečena mjera suspenzije do okončanja postupka.

V.D. Predsjednik Skupštine je informisao sve prisutne delegate da je na osnovu prethodni zaključaka i odluka podnio prijave protiv imenovanih Disciplinskom tužiocu Udruženja ali da nema nikakvih povratnih informacija.

Usvajanjem izvještaja Upravnog odbora na prethodnoj redovnoj Skupštini data je saglasnost za pokretanje i vođenje postupka protiv Lovovođe Udruženja zbog nezakonitih radnji, opstrukcije u radu Udruženja te nepoštivanja organa Udruženja i njegovih odluka.

Upravni odbor je na osnovu saglasnosti Skupštine podnio prijavu Disciplinskom tužiocu Udruženja zbog pomenutih aktivnosti protiv Lovovođe Udruženja Bešlić Muamera i istog suspendovao do okončanja postupka. Predsjednik Upravnog odbora nema povratnu informaciju zašto Disciplinski tužilac nije još pokrenuo postupak.

Nakon niza diskusija u kojima su učestvovali Hajlovac Adis, Čurt Mirsad, Buza Jusuf, Lepić Ahmed, Čurt Nusret, Dlakić Jasmin, Lepić Midhat i Dedić Dževahid, zajednički stav svih prisutnih delegata je bio da se u najkraćem mogućem roku trebaju provesti i okončati pomenuti postupci u skladu sa normativnim aktima Udruženja.

Delegat sekcije Poriječani Lepić Ahmed je dao prijedlog da se nastavi vođenje disciplinskog postupka prema utvrđenim procedurama, ali da se ukine suspenzija do okončanja postupka svim imenovanim.

Skupština Udruženja je odbila prijedlog Lepić Ahmeda za ukidanje suspenzije članovima protiv koji se vodi postupak i koji su suspendovani jer nije dobila potrebnu većinu (10 glasova ZA, 23 PROTIV i 1 SUZDRŽAN).

- Realizacija Zaključka o dostavljanju Izvještaja o radu Lovovođe, Kinologa i Disciplinskog tužioca Udruženja

Predsjednik Skupštine je pročitao Zaključak sa prethodne sjednice Skupštine kojim je naloženo Lovovođi, Kinologu i Disciplinskom tužiocu da u roku 15 dana dostave svoje pismene izvještaje u skladu sa odredbama Statuta, a koje nisu dostavili za redovno zasjedanje Skupštine koje se održalo 21.05.2017. godine.

Predsjednik Udruženja i V.D. Predsjednik Skupštine su upoznali prisutne da je samo Kinolog Udruženja i to sa zakašnjenjem dostavio svoj pismeni izvještaj Skupštini, dok su Lovovođa i Tužilac se oglašili o navedeni Zaključak.

V.D. Predsjednik Skupštine je upoznao sve delegate da je na njegovu adresu umjesto traženih izvještaja došla pismena reakcija u kojoj su redovnu Skupštinu nazvali nelegalnom.

Obzirom da je Kinolog Udruženja dostavio pismeni izvještaj sa zakašnjenjem, Lovovođa nije dostavio i protiv njega se već vodi postupak, a imajući u vidu činjenicu da Disciplinski tužilac također nije dostavio traženi izvještaj (koji je obavezan dostaviti u skladu sa Statutom) predložio je da Skupština donese odluku o razrješenju Disciplinskog tužioca te imenovanju V.D. do sljedeće redovne Skupštine kada bi se u redovnoj proceduri izabrao novi Disciplinski tužilac.

Skupština je donijela odluku o razrješenju Disciplinskog tužioca Halilbegović Muhameda i imenovanju Čurt Mirsada za V.D. Disciplinskog tužioca do sljedećeg redovnog zasjedanja Skupštine sa 25 glasova ZA, 5 PROTIV i 4 SUZDRŽAN.

Ovim je Skupština završena u 18:30 sati.

OVJERIVAČ ZAPISNIKA

HAJLOVAC ADIS



ZAPISNIČAR

ŠEČO ARIF